



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«24» 02 2021թ.

ք. Երևան, Ա. Դավթի 87Ա

ՈՐՈՇՈՒՄ N/1643-Վ-Ա ՎԱՐՉԱԿԱՆ ԱԿՏՆ ՈՒԺԸ ԿՈՐՑՐԱԾ ՃԱՆԱՋԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյան քննարկելով ֆիզիկական անձ Մայիս Գուրգենի Հովհաննիսյանի վերաբերյալ վարչական վարույթի նյութերը

ՊԱՐԶԵՑԻ

Համաձայն հարկային պարտավորությունների հաշվարկման վերաբերյալ տեղեկանքի ֆիզիկական անձ Մայիս Գուրգենի Հովհաննիսյանի (ՀՎՀՀ 66898318, ՀԾՀ՝ 1201582849, Հասցե՝ Լոռի, Վանաձոր, Ա.Տիգրանյան փ., 3/22) չկատարված հարկային պարտավորությունը 06.02.2020 թվականի դրությամբ կազմել է 196.904 դրամ, որից ապառք՝ 130.400 դրամ, տույժ՝ 66504 դրամ:

Վերոնշյալ պարտավորությունը գանձելու վերաբերյալ 20.04.2020 թվականին կայացվել է թիվ 1643-Ա որոշումը:

Իրավահարաբերության ծագման պահին գործող «Բնապահպանական և բնօգտագործման վճարների մասին» ՀՀ օրենքի /ուժը կորցրել է 01.01.2018 թվականին/ 10-րդ հոդվածի 2-րդ մասի եՏՄ անդամ հանդիսացող պետություններից ՀՀ ներմուծվող՝ շրջակա միջավայրին վնաս պատճառող ապրանքների համար վճարը հաշվարկում է ներմուծողը՝ այդ ապրանքների համար «Հայաստանի Հանրապետության և Եվրասիական տնտեսական միության անդամ պետությունների միջև անուղղակի հարկերի հաշվարկման և վճարման առանձնահատկությունների մասին» ՀՀ օրենքով սահմանված կարգով որոշվող ավելաված արժեքի հարկով հարկման բազայի /առանց այդ ապրանքների համար օրենքով սահմանված կարգով հաշվարկված ակցիզային հարկի գումարի/ հիման վրա /վճարի հաշվարկման բազա/ և պետական բյուջե է վճարում մինչև այդ ապրանքները ՀՀ տարածք փաստացի ներմուծելու /ՀՀ պետական սահմանը հատելու/ օրն ընդգրկող ամսվան հաջորդող ամսվա 20-ը ներառյալ: Նույն պարբերությունում նշված բնապահպանական վճարի հաշվարկը ներառում է «Անուղղակի հարկերի հաշվարկման և վճարման առանձնահատկությունների մասին» ՀՀ օրենքով սահմանված կարգով ու ժամկետներում հարկային մարմին ներկայացվող ներմուծման հարկային հայտարարագրում:

«Հայաստանի Հանրապետության և Եվրասիական տնտեսական միության անդամ պետությունների միջև անուղղակի հարկերի հաշվարկման և վճարման առանձնահատկությունների մասին» ՀՀ օրենքի 8-րդ հոդվածին համապատասխան՝ «Անուղղակի հարկերի մասին» արձանագրության 20-րդ կետի կիրառության իմաստով ապրանքների ներմուծման դեպքում հարկ վճարողը պարտավոր է նույն օրենքի 7-րդ հոդվածի 2-րդ մասով սահմանված ժամկետներում իր հաշվառման վայրի հարկային մարմին ներկայացնել ներմուծողի լրացրած՝ ներմուծման հարկային հայտարարագիրը:

Մայիս Գուրգենի Հովհաննիսյանի կողմից 2017 թվականի ընթացքում ներմուծման գործարքի մասով ներմուծման հարկային հայտարարագիր չի ներկայացվել և չի վճարվել բնապահպանական վճարի գումարը:

Իրավահարաբերության ծագման պահին գործող «Բնապահպանական և բնօգտագործման վճարների մասին» ՀՀ օրենքի /ուժը կորցրել է 01.01.2018 թվականին/ 10-րդ հոդվածին համապատասխան՝ ԱՏԳԱԱ 8703 ապրանքային դիրքին դասվող և 5 տարուց ավելի թողարկման տարեթիվ ունեցող ավտոմեքենայի ներմուծման մասով բնապահպանական վճարը կազմում է 130.400 դրամ (06.02.2020 թվականի դրությամբ 652.000x20%):

Հաշվի առնելով այն հանգամանքը, որ չկատարված հարկային պարտավորությունը գանձելու վերաբերյալ 20.04.2020 թվականին թիվ 1643-Ա որոշումը կայացնելուց հետո ֆիզիկական անձ Մայիս Գուրգենի Հովհաննիսյանի կողմից ներկայացվել է ներմուծման հարկային հայտարարագիր, ուստի առկա են բավարար հիմքեր հարկային պարտավորությունների հաշվարկման վերաբերյալ տեղեկանքի հիման վրա 20.04.2020 թվականին կայացված թիվ 1643-Ա որոշումն ուժը կորցրած ճանաչելու համար:

Ելնելով վերոգրյալից և ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 66-րդ հոդվածի 2-րդ մասով

ՈՐՈՇԵՑԻ

Ֆիզիկական անձ Մայիս Գուրգենի Հովհաննիսյանի վերաբերյալ ՀՀ ՊԵԿ իրավաբանական վարչության պետի կողմից 20.04.2020 թվականին կայացված չկատարված հարկային պարտավորությունները գանձելու մասին թիվ 1643-Ա որոշումը ճանաչել ուժը կորցրած:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄԱՅԱԿԱՆՅԱՆ